

E-nawasōnikātēk

itē isi

Nēkān Kāwē Isi Pamētāniwik
Iskwāskisēw ōta Canada

Nēkān

ē-wēhcikātēk pāki ōta

ē-wēhčikātēk

Nistwāski otahk, Nuclear Waste Management Organization (NWMO) kā isithekāsowahk nikē māci māmtonethetenān kita wēcēsikēmāyākwāw athisitiniwak ōchi Canada tānsi -ōma kāwē isi kitāpatahmahk ōma Nuclear Fuel kēsithēkātēk iskwāskisēw. Ikosi ikē wāpātamahk kitēsimitihwāsik athisitiniwak kita ōhtethētākwāw, kita tāpwe wakethētākwāw , kita wēcāsik āpacecikana āpatākwāwi, mēna ēkā mistahi kita mēstinikēpathic. Ekosi ekwa ochēcipathēw kita sipwēwēpinikēyahk.

Etāpwēwakēthētākwāw athisitiniwak Canada, anōch ōko kāpinmātsicik oskiyahk kita otinākwāw kita pimōtatācik, Ekosi peyātak kita kitāpāciktātēk eyakwānima iskwāskisēw Nuclear Waste kēsithēkātēk kāke ōsitamākōyahk pithesēw iskotēw anita ōchi anihi kācimāteki assini ōchi kōsetāniwiki. Katawa eyāko anima isecikewin. Athisitiniwak athisk ōta Canada nōteh kecināmāwak ēkā kita nisōwanācecikātethik otaskewāw ekwa onipemōwāw. Athisk enisowanācecikemahkāk anima iskwāskisēw. Ekwa mēna nitawēthētāmwak isi oskāyihk kiskethetamōwin tapetokatāniwik tāpitaw. NWMO kesi wāpatāhwāw, ayahk ōchi anima māwaci emithwāsik oskiyahk kiskethetamowin ōta ekwa misiwescamik kati nōkwāk esōkityeskācocik ekwathikok kiskēthetamōwin eyayācik kita tipitōtākwāw anima kāke itēthētākwāw.

Ekosi NWMO isi kākēskimēwak Canada nisekāc kitēsi wāskawēthit ekwa kita piskēc astāthit anima iskwāskisēw itāmik askihk ita assina ēyāpit. Eka kita nisowanācēcikēmahkāk. Ekosi ekwa kita kitēthēcikātēw anima kākoseskākek machi cakāstew ekota kocipathic. Missiwē assinikāhn kita wāskāpit ahpō kistasinni ita kita kipahikatēk. ekwa āskwēthikohk kita nitawāpēnikāniwik. Kitēsi wēcōtinikātēk pātima asci kitēsitāniwik. Eyako anima kāke isi kakeskēkēmowahk nistawinākwān katawa āpacēcikan poko kita āpatahk. Ninitokēmonān nāntawita ētāwin ahpō ōcēnās ēnōhte wēcihiwecik ekwa ē-itinēsicik ekwātowik ōchi kēkwey. Kisiwāk ekota kita nahastāniwik ōma kēkwāy. Nānāci eyako anima kāwē ispathic. Kita isi wēci nistotākwāw athisitiniwak mēna kita isētāniwin. Tāskohk kita sāpwāstēk kita ke itwehk. A āskwēthikohk kita tawinmācik athisitiniwak kita pēkiskwēcik ōma pētos kātēspathic. Adaptive Phase Management eyako icikātēw.

Enakiskācikatēk Nuclear Waste (iskwāskisew)

Mēcitow mitanaw aski ekēsipathic Canada kēpē āpahtan pithēsēw iskotēw. Eyako anima pithēsēw iskotēw Nuclear Reactors eyotiniakatēk. Eyakoni māka kakostātikwāki. Assini ana kākiskotawēt eyāpatsit kāsōkahk pahkisikan ita kocositāniwiki. Pēyak ōtenaw kānisowanācētāniwik. Ahtiht ōho tepahaskāna tāskōhk Ontario ,Quebec New Brunswick sāsay āpatanwa kayās ōhci. Sāsay niso sāpo kēci mitahtatomitanow ēmicimapitēki anihi ē iskokāteki iskwākisēwa itakwanwa. nisto mitānawāw kēci mitataht omitanaw kēchi kosikwanwa. Nēsawāw kēchi mitātatatomitanaw kosikwan athisk pēyak kēchi kosikwan. Kēspin ōti kēyāpic atoskēmākākwāwi anihi nēstannaw nēsosāp keyāpic ketakwāki Nuclear Reactors nāntaw nēmtanaw aski. Eyako anima akētāson nēsawāw tapawāc ketēs pathew. Kākēsāpatāk eyako iskotēw , pēcipowinowin anima iskwāskisēw. Nisēkātēc poko kitēsi pamētāniwik, Pēcipowi cakāstēw anima nāspici ati nēsowan, māka kēyāpic pēcipowin ekota ayāw. kēyāpic kinwēs kostātikwan.

Kita kēcināhonāniwik paspēwinihk ekwa kitēthēcikēwinihk isi tākitāpāciktātēk kēkwāy kinwēsēsksamik ekostātikwak tāskok aspin ōchi

kāpēmasinahikātēki isēcikēwina, ekwathicohk ispē tāskōhk enāhetāwāhk athisitiniwinihk isi ekwa āpacēcikanihk isi asci. Anōch kēsēthēcikāteki kekway kinwes kita pimātoskāciktātēw. Ketināc kita nakiskātāmōmakan petos kita etspathic kiskethetamiwinihk isi ahpō āpacecikana kesi āpacitāniwiki kesi māmtonethētāhwāw athisitiniwak, kesi pamētāniwik okimāwiwin ekwa tānsi kāwi ati ispathit soniyāw.

Mekwāc ōta Canada, piscek kanawethiciktātēw anima iskwāskisew acithaw ita kāhosehōmahkāk. Masinahikan poko kita etakohk. Tāskōhk kotaka askiya ita yeyākonima iskotew kāpatahk, Canada poko keyāpic kita kesethētākwāw tānsi kāwe isi kitethētākwāw Kenwes nawac. Yeyākōci othasowewin kākeyosetāniwik aniki kātipehētākwāw yeyakoni kita othāstacik ōma NWMO kā isithekātēk. Ekota ōchi kita kitapacikātēk anima iskwāskisew. E-pimitisahamahk anima Nuclear Fuel Waste Act(NFWA) nike wesāmānānahk ekitāpimikocik ekota kekway athisitiniwak tāskōhk, kanekānecik e-okiskethetamowinocik, sōniyāwa

kāpakitinācīk, ekwa nehithawahk kita wecihewecik pekiskwewinihk ekwa nitawāpenikewinihk isi. Māti tānsi kā isi tawāhk ōma wāthaw ōhci e-kitāpācīkātēk.

E- nitotacik Athisitiniwak Canada.

Nihnitawāpēnikēwinān takohk e-yastēk ita emaskawāk- Tāskōc kāke itwēyahk iyē māmawinamahk kamithwāsik ōpikiwin; iwe pakākāpāhtamāhk paspewin ekwa sōkēthimowin, wāthaw ōhci iwē kita patahmāhk kēkwāy; katawa isi māmitonithēcikan; ekwa athisitiniwak otayāmōwinōwāw kita nisitōtamohk.

Canada athisitiniwak etatethētamwak kwāyask kiskēthētamiwin kita āpahtahkita nisitocikātēk | ōho kākwēsapanātāki kēkwāya ekwa kita nisitawinācīkātēki anihī āpacecikana tapatāki kita kitēthēcīkātēk iskwāskisēw. Namōtha māka āpacecikana ōhci kiskēthētamiwin peko kita nitawēthētākwān. Kēyām kiskēthētamiwin kita kē wēcīkēmakahk ispe kekway kāwē pacipathic, Namōtha māka kita kiskēthētamiwin athisitiniwak kāwē itēthētākwāw kekway. Kā itēthētākwāw athisitiniwak kā isi wapātāhkāwāw anima kekway kita ke pacipathic āhpō kāwē isi paciwepahokocik mēna ōstapoko kita astāniwik anima kākēsīkimōwēwin.

Mēcēt athisitiniwak kē āpacihāwahk ōma kā mawacitāniwik kiskēthētamiwin. Athisitiniwak e-pāpekiswātocik ekwa otayāmōwinōwāw e-yati masinahikātēthik. Pāpetosisi enitawāpēnikiyahk, tānsi ōma kā itastēthici athisitiniwak ōmāmitonēthēcikanōwāwa, ekwa epekiskwātayākwāw nēhithawak, e-kwakwe kiskēthētamahk kāwē ati ispathic, ekwa ē-kocitāyahk kēkwāy kā pihtamahk.

Mistahi kēkwāy mēna pēyakwan. Nēso kēkwāy māwaci kēhci :Eka kita māthi tōtakocīkēmakahk- athisitiniwak, etāwina, ekwa aski;ekwa asci kita tāpitawahk-anōhc ōko kapimāticicik ekwa mēna aniki kāwe pimāticicik.

Ekosi nitatēnistotenān anima kānitawēthēcīkātēk eka kita kostātikwahk ekwa kita tāpitawāhk . eyako māwaci mithwāsīn. Wētha ekosi eyitwēmakahk:

- Anohc ōma keththāmaw kita otinanahk ekwa kita pimotitāyahk kēnwēs kita kitethētamāhk oma machi kēkwāy kawēpinikatēk-Namwāc kita kēpēhonānowin.
- Kētīnāhc mēna kēkwāy kita ispathic anima kētasōwācīkātēk. Māka ekwa kitakē mēskwātasōwātākwaw asici otē nēkān kāwē pimāticicik Kēkwāy ate isi nahipathiki
- Kethāmow ekwa nēkān ōko kita kitāpātamahk kawēpinikatēk kēkwāy tāskoc iskwāskisēw kita kēcināowahk ekā kita nisowanācēcīkēmahkāhk. Ekwa mēna kēspin ci ekā katahwa kēkwāyē-tocīkātēk ahpo kēspin kiskēthētamiwin oskāyihk kēkwāy kiwē wētāmokonānow

Athisitiniwak Canada otakisocik mēna kēwēhtamwak tansi e-yitēthētakwaw ōma kēkwāy ita kakithaw kēkwāy kōcipimakotēk ekwa kētasōwacikatēk eyako. NWMO namohc kēohci kitapahtamwak eyakwēthēw ahpo anima kapatahk Nuclear Power ka isithēkātēk, Kā pēcipowiniwit asissi kāpatsit kōsetāniwik pithēsēw iskotēw. Nitēthētēnān nēkān ōhtē piskihc kita pēkiskwātēcīkātēk mēna eyako. Athisitiniwak kita kā kakwēcīmēcik Iskwāskisēw māka kita etākwān isko ispē kita pōni apahtāhki anihī kācimatēki assinihkan ōhci kosetāniwiki pēthēsīw iskotēw kōsetāniwik assini kāpēcipowiniwit ita kā kēsisot. Eyākonima poko kānohtē kiskethetamahk ,tānsi kita isi kanawēthēcīkātēk anima iskwāskisēw nipahi ninwēsēsīkāmīk. Namōtha wētha kekway iwe itwēyahk namohc ahpō ehē kāwe is ahpatāhki eyakoni kakostātikwāki iskotēwa.

E-kitapahcīkateki Kanawasonikateki

Anihī

Ekosi kē tasowātīkowākwāw NFWA, nīke kā kitapātēnān anihī pāpetos kita kē isi wepinikāniwik. Nistwāyak isi kā kitāpāhtamāhk māthi kita mithwāsīk ahpo kita kostāikwahk, ahpōkita isi mēstinikēpathic: Itāmīhk assinihki kita kātāniwik, Canadian Shield oma kēcīkātēk, Pēyakwanta kita nahascīkātēk tāskōhc ahpō itām askamīk, ahpō kēcīwāk ita pēthesēw

iskotēw kōsētāniwīk, ita iskwāskisēw nistam kāyak. Kwāyask nikē āpacihiwonān anima kiskēthētāmwīn nēyanān o mitanaw aski aspin ōhci kāmāwahcētāniwīk.

Eyakoni anihī kānawasonikātēki nāmaci eyakoni kā mistahi pēkiskwātākwāw athisitiniwāk Canada māwaci mistahi eyitēthētākwāki: pēyakwan kākithaw awaak kita isi pamihet, mithwāyāwīn, otātoskēwak omithwāyāwīnōwāw , ētāwīnihk isi mithwāyāwīn pēyātahk pimātsiwin, ekwa pēyātākēthimōwīn, kākanatēthēcikātēk aski, sōniyāw kita nācatokātiht ekwa pāpētos kita itāpatsit. Kānākacvitacik kēkwāy mēna ke wēcihiwēwahk ōho kānawasonikātēki. Isi kēsi tāpastayahk anihī kānawasonikātēki māka wēcihiwēmakan kātawa eyisi kitēthimēcik athisitiniwāk.

Mākēkwa kēyām ata eyakoni anihī nisto ahatiht kēkwāy ēmithwāsic eyayāk, namwāc peyak kākithaw kēkwāy anima kita ke kitāpatcikātēk ekota astēw. Tāskōc athisitiniwāk anima kākē itwēcik.

Ita kākitēthēcikātēk iskwāskisēw ka isi nawāsoikātēki anihī tahto etatēthēcikātēwa katahwa tēspathiki acithaw ātawētha. Māka ekwa, anihī sāsay ita kāyaki kācimātēki asinnihkān ōhci, nahmwāc nawasonikātēwa ita kita nahascikāniwīk kihci. Ekwa mēna anihī ēcāwīnsa ita ēyakoni kācimāteki ētatēthimowahk nāntawispē kita atotāniwīki. NWMO tāpwētāmwāk ekwathikohk mistahi kēkwāy e-athimwaythētākwahk, mithwāyāwīnihk isi peyātākēthimōwīnihk isi , ekwa askihk

Isi kitēsi kanācētāniwīk, mēna soniyāw kita kitāpimiht isi kēnēs isi kitesī kitāpacikatēk. Mistahi athisk pakosēthimōnaniwīn ōma katawa kitēsi pamētāniwīk kēkwāy ekwa ashci kita kitāpatcikātēk. NWMO itēthētāmwāk acithāw kita mithopathic mākēkwa tānsi etokē ati pātima.

Anima kākē nawasōnikātēk pēyak, itāmihk assinihk kita kitēthēcikātēk wētha mithwāsīn. Mākēkwa ati kēnwēs namōtha kitakē mēskwaciwēpinikāniwīn.pikwēsēsī.

Māka athisk eyākonima athisitiniwāk ēkē itwāthētākwāw kita mithwāsīk kēspin kita kēmēskwāciwēpinikāniwīk ah āhskwēthikohk. Ati wēpac māmwāc ekwathikohk kita wēcāsīn kita māmēskwacasowācikatēk wētha ōhci ana assini ēka nantaw kita kē tōhtaht pāhkaci ekota astāniwīki kēkwāy. Ayahk ōti oski kiskēthētāmwīn ispathici. Tānsi mēna kāwē ati ispathic kihci mitāhtat mitanawāski namwāc kiskēthētākwān.

Ekwa mēna ōtē nēkān ōko ati etahtwāwi, awasisak opikitwāwi namohta kēkwāy kita ke mēskwātasowātāmwāk pokōci ana assini eka pikwēsī kita kē tōhtaht. Ekosi ekwa Namōtha kita mithwāsīn kēnwēs isi kita kitāpatcikātēk.

Ekosi ekwa pētos ekwa nitisi kiāpātēnān kita kē ispathic. Petos kitēsī kocitāyāhk. Isi kitēsī nahipathic. Nānisēcāhc kitēsī tōcikatēk ekwa pēyāhtak kita pimipathētāniwīk

Papeyatak kesi pametaniwīk nanahethikohk ka kitapatcikātēk

NWMO ekosi itwēwak, nānahēthikohk kita kitāpāhcikatēk (adaptive phased management) kita pimītsahikatēk. Tānsi āpacēcikana kitēsī āpatahki ekwa tānsi kitēsī pimipathētāniwīk. Eyākonī ōho kēhci kēkwāya ekota kāstēki.

- Nāntawita kita māmawī asastāniwīki iskwāskisēwa ita kita kitāpatcikātēki. Ita ē-mithwāsīc assinni mistahi e-apiht.
- Nānahēthikohk kita māmawapēcīcikatēk, kita ahothasōwāniwīk.
- Pēyakwāyak kita nahastāniwīk pitahma
- Tāpitaw kita nākatokāhcikatēk
- Kita kasketāniwīk kāwi kita otinikātēk kita mōnahikātēk tāskohk iskwāskisēw . Kēspin ekosi isi nitawēthēcikātēki.
- Athisitiniwāk kita kākwecīmēcīk ekwa kita wēcihiwēcīk

Ekwa ōma kāhti masinahikātēk nahwahc mistahi wēhcīkēmahkan.

Anihi kawē isi tocikateki Nanahethikohk kakitapahcikatek.

Eyakoni ōho kitēsi tōcikātēki ,pēyak, nēso, nisto ekosēsi

- Nistam pēyak: Kita kwāyācētāniwik ita kāwē māmawī nahastāniwik iskwāskisēw kāwēnannākatōkāniwik.
- Ekwa nēso: Kamāmawī nahastāniwiki anihī ekwa kēkwāy āpacēcikan kāpatahk ekwa ithikohk ē-mithwāsik
- Nisto: Kēnwēsēskamik kita nahastēk, kita piskētāstēk ekwa kita nakātōkāhčikatēk.

Nistam kekway(Nantaw nisto-mitanaw aski eyako kita pimespathic)

Eyakoni ōho kita kē tōcikātēwa kamāmawastāniwik ōhci anima iskwāskisēw.

- Ita kācimatēki annihi asinni ōhci kosētāniwiki ekoto kita kitāpatcikatēk anima iskwāskisēw.
- Athisitiniwak kita wēsāmihčik kita wēcihwēcik kita othipathētācik ōho kāwē tōcikātēki tāskohk anima tānsi kāwē isināhk wāk ekwa mēna tānsi kāwē isētāniwik
Ita kāwē nahascikatēk iskwāskisēw, tānimatowa āpacēcikana kāwē āpatahki ekwa ekosēsi kihci kēkwāy.
- Tāpitaw kita kāhk wēcimecik othasēwēwak Ayāhk ōhci masinahikan kā sākaskinācikatēki. Māhti ci kita nahipathiki wēyati isi wētōcikātēki kēkwāy.
- Kita nawasōnikātēk pēyakwāyak ita assini eyayāt nahēthikohk kitātimēk ita kita nahascikatēk iskwāskisēw, ita kākisētānikātēk kēkwāy wātēkan, ekwa kātimēk assini ōhci wātēkāhn.
- Kita ninātawī kiskethēcikātek kotahk kēkwāy āhpatcēcikan nāntaw nawac kita mithwātōskēmakahk anima kākitethēcikātēk iskwāskisēw.
- Kita sēhkiskācikatēk masinahikan kāpakitinikātēk kā pakitinēht awēyak kēkwāy kita tohtāhk. Ekwatowāhk anima masinahikan aski ōhci kita kitāpacikatēk anima othasōwēwin ōhci (Canadian Environment Assessment Act)
- Kita nahwasōnikātēk aski tānsi kitēsi mithwāsic, ēka kita kākwēsapanātahk, ekwa asci tānsi kāwē totamomahkāk aski, eyāko anima nahēthikohk itamihk kāyāk ita kākanawēthēcikātēk iskwāskisēw, ekwa asci anima nahwac kātimēk, ekwa tānsi kita isi pimōtāniwik anima iskwāskisēw ahtōtāniwiki.
- Kita kāhčitānikātēk masinahikan kita kwayācētāniwik aski
- Kita osētāniwiki ekwa kita pakitinikātēki mahkwākwa ita kita astēk iskwāskisēw
- Kita kāhčitānikātēk masinahikan e-pakitinēht awēyak kita oshētāht itāmēhk anima kāwē oshētāniwik pēyakwayak.
- Kita kēsasowācikātek, māhti ci ekosēsi kita māhci osētāniwik eka kātimēk wahtēkhān, ekwa kēspin kita kē ahtōtāniwik iskwāskisēw pēyakayak isi. Kēhci ita kāwē nahascikatēk iskwāskisēw.
- Kēsasowāniwiki, sōskwāc kita oshētāniwik eka kātimēk wahtēkāhn, ekwa masinahikana kita kāhčitānikāteki kāwē osētāniwik ōhci ekwa kāwē pimpathēcikātēk isi.

Anihi kawē isi tociKateki nanahethikohk kakitapacikatek

Mamitone- thetamiwin

Neso Kekway Kawetocikatek (Nantaw nisto-mitanaw aski eyako kita pimespathic)

Eyakoni ōho kāwētōcikatēki pēyakwayak ekwa kihci ita kāwē wātēhkāniwik ekwa asici kāwē wāpātithōskāniwik e-isi mithwāsiki āhpacēcikana.

- Kēspin kēsēthēcikatēki kita osētāniwik ēka etimēk wāhtēhkān, kita sipwē āwacikātēk iskwāskisēw anita ōhci kācimatēki anihi assini ōhci kosētāniwiki ita isi pēyakwayak kēnwēs kita kanawēthēcikatēk iskwāskisēw.
- Kēspin māka ēka kēsēthēcikatēki kita osetāniwik ēka ētimek wātēkāhn, ekosēsi kita kanawēthēcikatēk iskwāskisēw anita anihi kācimatēki assini ōhci kōsētāniwiki ita kāyāk, isko ispē kita osētāniwik ētimēk nawac wāhtēkāhn.
- Kapē kita nānātonikātēk ekwa kita kā kocetāniwik ōma āhpatcēcikan itāmaskēhk kāyāk māhti ci ekwathikohk ē-mithwāsik ekwa mēna anima kāimēk wāhtēkāhn māhti ci ekwathikohk ē-mithwāsik animōhci kāwē itāpatāhk.
- Kita wēsāmihcik athisitiniwak kita kitāhpātahkwaw māhti tānsi kāwē itasōwācikatēk ōma pēyakwayak, anihi āpatcēcikana kāwē āhpatahki ekwa ispē kāwē nahastāniwik anima iskwāskisēw māwaci itāmihk.
- Kita kēsēthēcikatēk ispē kāwē osēcikatēk kātīmēk wāhtēkāhn anita pēyakwayak ayāhk ōhci kēnwēsiskamik kāwēkitēthecikātek kita ketastāniwik anima iskwāskisēw.
- Kita kēsētāniwik anima masinahikan kāwē isinākwahk kāhkithaw kēkwāy ekwa isi ēka kita kostāhtikwahk, ekosi ekwa kita kācitinikātēk anima masinahikan kita pakitinikātēk anima kātīmēk wāhtēkāhn kāwē osētāniwik ekwa asici anihi waskic kāwē cimatēki wāskahikana.

Apowēhtoke mēna kita nitawēthētākwana māhkāhkwa ekwa mēna ita eyākoni kita osētāniwiki; ekwa mēna ita kāwē sākaskinātāniwiki ahpo ka pimōcikatēki; Ekwa mēna ita kāwē osēcikatēki māhkākwā ita iskwāskisēw kāwē nahastāniwik; ekwa mēna ita kāwē mēskwaci sēkinikātēk anima iskwāskisēw.

Nisto kekway kawē isi tociKatek(nantaw nikotwasik-o-mitahnaw aski kita pimespathic.

Kēnwēsēskamik kākitēthēcikatēk, ekwa kāwē piskētastāniwik, ekwa pēyatahk kāwē nākatēthēcikatēk, eyakoni iskwāyāc kāwē tōcikatēki.

- Kēspin iskwāskisēw kanawēthēcikatēki ita eka etimēk pēyakwayak itāmaskuhk, Kita otinikātēk ekwa kētwām kita nahastāniwik ita kēnwēs kita kē astek ē-mithwāsik māhkāhk kita āpatahk.
- Kēspin iskwāskisēw kanawēthēcikatēki ita anihi kācimatēki kita ātastāniwik pēyakwayak isi, māka ekwa kita ātāhpitēk.
- Kita nahascikatēki anihi māhkākwā ita iskwāskisēw kāstēk āhpō kākē astēk itāmihk assinihk ekota ekwa kita kihcastēki.
- Kita nanapāhcētāniwik ispē kākēsāpatāhk ēka kātīmēk wahtēkāhn.
- Kapē kita pimi nākatōhkāniwik ekwa asici kita kē wēci miskikātēk āhpō we otinikātēki anima iskwāskisēw itāmihk kāstēk wē nitawāpēnikāniwiki, ispē kēnwēs kē ispathiki. Māhti tānsi ē-isayak, āhpō ē-isi mithwāsik anima ita kānahastāniwik.
- Kita wēcihiwēcic athisitiniwak kita wēcihiwēcic kita kitāpātcikatēki eyakoni anihi kēkwāya.
- Oko ōtē nēkān kāwe ōpikicik kita othasōwātamwak tānsi kāwē isi kisitinākwāw ekwa kāwē isi nānapācētācic eyakoni kēkwāya kā māmiskōtamāhk, āhpō anihi kā kē kocētāniwiki āpacēcikana. Ekwa mēna kita othēthētāmwak ispe kāwē kipahikātēk anima tātimēk wātēkāhn, ispē kita nānapācēcikanāniwik waskic tāskoc wāskahikana ita kēkwāy ekostātikwahk eke atoskācikatēk. Ewa mēna tānsi kāwē isi nānācikatēk eyakonima kisitinikēwin.

Kita nitawēthēcikatēwa etoke ita kita oshētāniwiki māhkāhkwa, ita kita atoskācikatēk ōma kā mēskwaci sekiniātēk iskwāskisēw ahtotātāniwiki ispe kātīmēk wātēhkānihk isi mēna ita kā osēhēt pekwo kita kipahikatēki māhkākwā.

Mēkwāc aniki kātīpēthētākwaw iskwāskisēw kita pimi kitēthētāmwak kēsi paminikātēthik ita anihi kācimatēki assini ōhci kosētāniwiki. NWMO kita kēcināhowak katahwa kitēsi paminikātēk iskwāskisēw ekwa mēna pimōtāniwiki ita isi anima kēnwēs kāwē kanawēthēcikatēk

Kawe isi Pametaniwik

NWMO kita kitāpahtamwak wēthawāw tānsi kāwē isi paminikātēk ōma ekwa asici tānsi kāwē isi nācithōscikātēk. Wathaw itāpiwin ōma kākē kaskētāyahk mēkwāc kānānākatōkēyāhk ekwa kānitawāpēnikēkātāmāhk ōma kēkwāy nika wēcikhonān kita wēhpimāyahkwāw athisitiniwak Canada ōhci. Kita tāpwēwakēthimikowāhkāw. Māwaci capasis isi, māka kēyāpic nika tipiskēnān ahpō nika āthowākahēnān anima othasowēwin Kita kēcināhowahk poko anima kēsi kitēthimāyahkwāw athisitiniwak ekwa aski ekosi kesi nitawēthētākwak misiwe iskamik

Athisitiniwak kawē wecihiwecik

Ekosi mistahi kita masinahikāniwin tānsi kāwē ati ispathic kēpēkiskwātēhtwāwi ōko kēkwāy ē-kitāpimikocik ehcāwinsiik kāyācic. Mēcēt pētākosowina nita e-tatēthimonān kita pehtamāhk ispē wēhtamāhkōweyāhki ōma kāwē isināhkwhāh Kāwe isi nācikātek. Ekosi athisk kitesepathic ōcitāw ita kākithaw athisitinew kā nitōtaht.

NWMO kita nitawēthēmāwak kita nitōtāhmācic masinahikan kita pakitinēhcik kita nahwasōnāhkāw ita, ekwa kita osētāhcik kita oskisētācic, ekwa kita nānapātcētācic ita kāwe astāniwik iskwāskisēw. Masinahikan poko kita pimitsahamāhk kētastēk. Tāhto tahkoskēwin kita tawāw pēkiskwēwin.

Soniyāw Kapakitinēht

Sōniyāw kāpakitinēht kita kēcināhonāniwik poko tānimathikohk kita mēscipathit ōma isko kēsipathiki. Māka kita kitāpācikatēk asici kēkwāy nāntaw ēka ē-ētāhtēthētāhkwhāhk ispathiki kita wēspathik. Kita kēcināhonāniwik athisk poko sōniyāw kita ētahoht kēspin nitawēthimēci. NWMO kitāpimikwak kita nākatohkēcik sōniyāwa kāwē isi mēscipathiht āhteht kēkwāy kā nāhcikāpawēscikātēk kita isi pimipathic. Kita tēpipathit athisk poko ana sōniyāw kāwē āpatsit isko kita kēsipathic kākithaw kēkwāy.

NWMO anima kēsithekātēk othasowēwin māka pēyāhtak wēcikemakan tānsi kāwē isi kātцитiniht sōnoyāw ekwa asici tānita ōhci. Kitāpācikatēki ōma kēnwēs iskwāskisēw. Tēpakohpwāw mitātāhtomitanāw mēna tēpakohpimitanawāw sāpo kihci mitātāhtomitanaw tāhtwāpisk kē manācīhēwak aniki kā tipēthētākwāw iskwāskisēw Isko anōhc. Othasowēwin ekosi itāstew kēcināc kāwē itāpatsit eyako sōniyāw ekwa mena kita āyāci kitēthimiht āskwēthikohk kita acimiht tānsi ē-ati itapiht.

Kawe Nawasonikatek Peyakwayak.

Atawētha nawac wēthawāw NWMO nawasōnamwak ita kāwē astēk kēkwāy, māka ekwa mistahi

māmitonēthētamwak tānsi isi anima kāwē isi nawasōnikātēk. Nitonawēwak awēya kita wēsēcikemikocik. Pēyak nānitawita ehtāwin ita athisitiniwak kwāyask ē-itinēsicik eka kita cahcowithikocik kēkwāy kisowak ekota kitake isiwēpinikāniwik.

Ekosi kwāyask kita tōtamwahk, anihitipahaskāna, ita sāsay ekwatowāhk kēkwāy e- atoskācikatēk, -Ontario, New Brunswick, Quebec ekwa Saskatchewan.sōskwāc kita kitāpamēcik. Māka ekwa wēstawāw aniki kotakak kita nōhtē kōcētāwak ekwa kita kē kihtāpahmēcik. NWMO kita kistēthētamwak asotāhmākēwina ekwa tānsi eyakoni kētasteki nēhithawak otaskēwāw ōhci.

Ekosi nititwānān, kākithaw awēyak kita nitōtawāw ispē nawasōnikātēki ōma ita kāwē astāniwik iskwāskisēw ahpō ita kotāk kēkwāy kāwē ispathic. Kita kēcināhonāniwin aniki māwaci kāwē pakamiskācic ekwa asici kāwē wanāhikocik kēkwāy ahpō anima kāwē pimōtatāniwik mahci kēkwāy ,ekosi tāskōc, kita wēcīhēcik wēpētokatātawāwi pēkiskwēwin.

Ahtōtatāniwiki ēyawis iskwāskisēw kētahkwahk ōta Canada pēyakwayahk kita māwasikwascikatēk, misiwētēh poko kita ōhci pētāniwik. Athisitiniwak poko kita wāpātīthēcik katawa isi ē-isi pimōticikatēk ēka kita kisiskinikātēk. Kita nahēthētāhkwhāw. Māka ekwa NWMO otastōskēwiniwāw, kākē māwasakonāhkwhāw kiskēthētāmōwin ekwa kāke atoskēmocik masinahikana kita masinahikātēki, ekwa kākē pēkiskwātācic anihitā e-tasēkamithit iskwāskisēw kotaka askēya ahpō kēhcōkimāwiwina, ekwa asici kēsi nisitōtāhkwhāw othasowēwin, mitoni kētināc kitāwa kita kē isi pimōtahtāniwin eyako iskwāskisēw. Māka ekwa eyakwānima kāwē isi othascikatēk, pimōtēhowin ōhci, kitēsi kitēthēcikātek kēkwāy, ekwa kita ayākwāmisināniwik. Ekwa anihitā mēskanawa kāwē āhpatāhki mēcēt poko awēyakahk kēkwāy ekota ē-kitāpimikocik, kita māmawatoskātāhkwhāw.

Kawe isi pakamiskakoyahk athisitinenahk, pimatchowinihk, ekwa kekway ka nanocitayahk.

Ahti tōcikatēki, kita thōtēnikātew iskwātēm, ita ōhci kita nisitawinācic anihitā ahpō anihitā ētāwina, ita itinēsiniwin, ekwa wāthaw itāpiwin ē-ayāk athisitinew ōhci kākithaw kēkwāy kā e-tasēhkāhk , pimātcīhisōwinihk,

isecikewinihk, ahpō papimātcisōwinihk isi. Namōtha māka ēyakonik poko kāwē nakiskwākwāw kēkwāy. Kotakak mēna. Aniki kā wēkicik kisiwāk ekota anihī kācimatēki assini ōhci kōsēcikātēki mēna mistahi kēkwāy kita nakiskwamwak. Ekosi māka kākithaw awēyak ahpō apisēs kita sāmiskakot yēyako , ōstav poko pēyakwan kitēsi pamihēt, kāwē isi wēcihiwēt othasōwātcikātēki ekwa kitapātcikātēkwāwi anihī tānsi kāwē isi wanācīkēmākāhki.

Ekosi poko kita isi othasinahikātēk anima kāwē isēcikāniwik ēka mistahi kita wānācīkēmāhkāh atoskācīkātēki kēkwāy. Ekwa ita ēkā nantaw kākē tōcīkātēk, kita nisitawinācīkātēk poko ithikohk ē-wanācīkēmāhkāh, ekwa ithikohk ē-mēstinīkēhīkohcik aniki ekota kāyācīk, ekwa katawa kita itastamāhcīk. Kitakē ayākwāmisināniwin māka, tānsi anima kā isētāniwik kēkwāy, ekwa asici ita kā tōcīkātēk kēkwāy, ahpō masinahikana ita kēkwāy kā wēcīkātēk, ahpō kēsi waskawētōtāhkwāw kēkwāy athisitiniwak. Kita kē kaskētāniwin kākithaw eyako, kēspin wāpātīhētawāwi aniki athisitiniwak ekota kāyācīk, kita isi wēcīhisocīk ekwa kita mēthēcīk maskawisēwin kita wēcīhisocīk.

Kiskethetamowin ithikohk ketahkwahk.

NWMO ati isi āpacētāhtwāwi ōma Adaptive Phased Management Approach, nanisēcāhc kāwē isi tōcīkātēk ōma, nika pimi kiskinwahamāsōnān ekwa kita pimi āpacētāyahk ōma kāisi othastēk tēsi āpatāhki ōskāyīhk āpacēcikana. Ekosi poko kāpē kita pimi māwasīkonīkātēk kiskēthētāmōwin mēkwāc ōma pimi ispathicī.

Eyakoma Kesinitawethetamahk.

Adaptive Phased Management kā isithēkātēk nitonīkēmāhkan tānsi kita isi katawa wēcēwākanītōmahkāhki kēkwāya pāpētōs kēsi wēhkōmahkāhki. E-miciminēkēmāhkāh anima pāpēyāhtahk ekwa āyākwām kā isi pamētāniwik kēkwāy. Athisitiniwak kēsi nitawēthētāhkwāw ekwa āpacēcikana kātēsi mithwāsīki kita wēcīkēmākān tānsi kēkwāy kawē isi tōcīkātēk. Eyakoma Adaptive Phased Management kēcīkātēk e-itēthētamahk māwaci ē-mithwāsīc ita tākōhc kita astēki anihī ēka kākēcīnāhonānōwīki tānsi ē-isāyāki kēnwēs kēkwāy ōhci kitāpācīkātēki tāskōc iskwāskisēw.

- E-yakonima ē-pakosēthīmikocīk oskāyak kita māci nākatokēcīk ōma iskwāskisēw kethānaw kāke osehtāyahk.
- E-nisitawinācīkēmāhkak ōma nipahi kēnwēsēsīkamīc, ēkā kita kē aspēthīmōnāniwik athisitiniwak kita kitēthētākwāw kēkwāy ayāhk ōhci pāpētōs māna kēkwāy ē-ispathicī.

- E-isētāniwik isi kita nakiskātēcīkātēk anima ayākwāmisīwin ekwa pēyātak isēcīkēwin
- E-wēcīhiwēmāhkahk māmawī othasōwēwin pāpīskīhc kēkwāy kita pēkīskwācīkātēk kātēspathicī.
- E-mēkēmāhkāh nawasōnikēwin ayāhk ōhci kēsi pamēhtāmōmahāh kēniyāwī kēkwāy ekwa asici kitakē asōhwanahmātonāniwik kētēyayahk isi oskāyahk.
- E-sēhkīskācīkēmāhkahk kiskīnwahamātōwin. kita atēsi mithwāsīc kēkwāy, ekwa tānsi kitēsi mitho atoskēmāhkāh. Eka mistahi nanēkatethīmōwin kitētahkwāh.
- E-ōpinīkēmāhkahk sōkēthīmōwin ekwa tāpwēwakethīmōwin āpacēcīkana ōhci e-mowyē ē-kēsīpathicī kākīthaw kēkwāy kita kē ispathicī.
- E-mēkēmāhkāh mithwāyāwīnihk isi ekwa aspēthīmōwīnihk asici paspēwīnihk, kēnwēs ita kitakē kitēthēcīkātēk kēkwāy ahpō mēna kita kē otīnīkātēk kēhtwām iskwāskisēw ita kānahascīkātēk ispē isko nēkān ōko kāwē pīmātsīcīk tēhpakēthīmōtwāwi kita kīpahahkwāw anima wāhtēhkān.
- E-mēkēmāhkahk kāpē kita pimi kitāhpātēcīkātēk māhti cī māntaw isāyāhki kēkwāy kita wanāhcīkēmāhkāh athisitīnēw ē-tōhtahk ahpō ōcitaw e-ispathicī.
- E-ohcōpīkīhk kahtawa ita māmitōnēthēcīkan ē-ayāk, ekwa athisitiniwak ē-wēkomēcīk kita wēcīhiwēcīk wēstawāw kōthasowāniwik kēspin cī kita kēyāpic ē-tasēkācīkātēw kēkwāy.

Eyakoma kāti masinahīkātēk nawac NWMO kā isi nitawēthētāhkwāw, kāpakosēthītamawācīk Canada okīmāwīwin. Kēsēthēcīkātēki kāwē isi nacīthōscīkātēk, NWMO ekwa kitakē ati nēkānīkāpawīwahk kita nakīskākwāw pēyahthak isi kita kitāpahthākwāw iskwāskisēw kēnwēsēsīkamīc. Eyakomī kāpēhtokatāyahk tāhkōc ē-astek katawahk isi kiskēthētāmōwin ekwa āpacēcīkan kētāpatahk, mistahi kēkwāy pīmōcīkēmāhkan. Namōwītha iskwāskisēw kānōhtē nakatāmōwāyāhkwāw ōko kekān kawē nētāwīkīcīk. Nahmōtha kita kē pēhonānōwīn kita kēsāsōwācīkātēk ōma kita sepwē tōcīkāēk kēkwāy.

Kēsi nitawēhtamāhk tānsi kēnwēs kitēsi kitēthēcikātēk iskwāskisēw. Eyakoni ōho ē-nistamēthētākwāki. Kitēthimōwēwin, paspēwin ōhci athisitiniwak ekwa aski.ekwa pēyahkwan kita isi pamihēht kākithaw awēyak.Ekosi nititānānahk Canada Okimāwak, eyakoni ōho ekota kita astēki kāwē ayākwāmisināniwik.

- Pēyakwāyak kita kācikātēk iskwāskisēw itāmihk assini ē-yapiht ita. Tāskōc ōma Canadian Shield kēcikātēk ahpō anima Ordovidian kēcikātēk.
- Nanisēcāc kita pimātoskācikātēk, ekwa papēyātak nānahēthikohk kita othasowācikātēk, kiskinahamāsōwin kiskēthētāmōwin kita osēhōmahkāk.
- Kita tawinikātēk, nahēthikohk itāmihk kita kē nahastāniwik iskwāskisēw pēyakwayak ē-mowayē kēsastāniwik itāmihk assinihk.
- Kapē kita pimi nākatēthēcikātēk māhti ē-isi mithwāsic ekwa ē-kitēthēcikēmākāk anima wātēhkān. Ekwa kita ati masinahikātēk tānsi ē-ati isāyāk.
- Kitakē māwasikonikātēk ekwa kita kē ekatēnikātēk kihtwām iskwāskisēw, kēnwēs kē ispathici. Pēthisk ōko ōtē ati nēkān kāwē othēthētākwāw tānsi kāwē isi kipahikātēk ekwa tānsi kita tōcikātēk wē kipahikātēci.

Nuclear Waste Management Organization kita āpacetwāwak ōma isikāpawinē-pimitsahakwāw anima othasōwēwin Nuclear Fuel Waste Act.(NFWA) 2002 ekwa ekosi kita tōhtahkwāw.

- Kita nakiskwākwāw āhpō kita mēyāskākwāw othasōwēwina kākitēthimiht omithāwyāwin ekwa opaspēwin . Aski mēna.

- Kita kēcināhc pakitināhcik sōniyāwa ayāhk ōhci aniki iskotēw kōtināhkūwāw ekota, (Mekwac Ontario Power Generation Inc., Hydro-Quebec ekwa NB Power Nuclear) ekwa Atomic Energy of Canada Limited, kāisi masinahikātēk kitēsi pakitiniht sōniyāw NFWA kēsi nitawēthētāhkūwāw.
- Kita nitōnikātēw pēyak ēhtāwin ē-pakitēthimocit otēhtāwiniwāw ekosi kita itahpatānithik ita kita nahastēk iskwāskisēw. Mitoni poko kita nahaskātōmahkāk Anima kā isi wēcikātēk tāskōk ēsa mistahi kēkwāy tāskōk assini āhpō ē-mohscōsēhēht assini kita kipāpiskahikātēk iskwāskisēw. Ekosi ekwa athisitiniwak ekwa kotakak kā pimātisicik ekā kita nisowanācihēcik. Ekwa mēna aski ēka kita nisowanācētāniwik. Ahpatāki ēyakonima isikāpawiwāw kita kanācētāniwiwa ēhcāwinisa āhpō ōcēnāsa kisiwāk ē-ayāki pimācihisowinihk isi ekwa kākithaw kēkwāy athisitiniwak kātoskātāhkūwāw.
- Kita nawasōnikātēki anihī tipahaskāna ita anihī kācimātēki assini ōhci kōsētāniwiki, āhpō ekwatōwihk kēkwāy kātoskācikātēk.
- Kāpēkita pimi wēsāmihcik athisitiniwak kita wēcihiwēcik anima kātēsi othascikātēk kēkwāy,ekwa:
- Ekwa mēna kita aswēthēcikātēk oskiyihk kiskēthētāmōwin kātētahkwāk athisitiniwak ōhci kēkwāy kā pakamiskākocik. Ekwa mēna nēhithawak okiskēthētāmōwiniwāw āhpō otisēcikēwiniwāwa ekwa otatēthētāmōwinōwāwa.

NWMO wēhkomēwak kākithaw awēya kita wāpahtamithit ōma masinahikan, ekwa asici isēcikēwiniwāwa, ekwa opēkiskwēwiniwāw ,āhpō kākē isi miskwākwāw. Ekota oma www.nwmo.ca Mamatawapacecikanihk. Ahpō kika kē isi masinahekānāwāw:

Nuclear Waste Management Organization
49 Jackes Avenue
Toronto, Ontario
Canada M4T 1E2

Telephone: 416 934 9814
Toll free: 1 866 249 6966